



Takornariaqarneq aallaavigalugu ilinniarfusinnaasumik Ilulissani ilinniartoqarfimmik pilersitsinissamut aalajangiisoqarsinnaanissaanut tunngavissanik Naalakkersuisut misissuinissaat pillugu Inatsisartut aalajangiiffigisassaattut siunnersuut. Ilinniartoqarfik minnerpaamik serviceøkonom, Arktisk Turistguide aamma Adventure Guide ilinniakkatut pigissavai. Misissuineq kingusinnerpaamik UKA 2023-mi Inatsisartunut tunniunneqassaaq.

(Inatsisartunut ilaasortaq Nivi Olsen, Demokraatit)

(Siullermeerneqarnera)

Qujanaq Demokraatinit Inatsisartunut ilaasortamut Nivi Olsenimut siunnersuummut pitsaasumut.

Nivi Olsen ilumoorluinnarpoq, imminut assortuuttuusooq, takornariaqarneq aallaavigalugu ilinniarfusinnaasumik takornariat nuannarinernerpaasaanni peqannginnera. Uani aamma eqqaamassavarput, Ilulissat suli nuannarineqarnerulissammat, mittarfissarsuaq ammarpat, tikinneqarnissarlu ajornaannerulerpat.

Tamanna tunngavigalugu pitsaassaqaq, piaarnerpaamik ilinniarfusinnaasumik pilersitsisoqarpat. Tassunga atasumik pingaartuuvoq eqqaamassallugu, ilinniarneq pitsaasumik suliffimmik misiliinermi assigisaanilu takornariaqarnermi peqartariaqarmat ilinniartullu ilinniarnermi suliffigisinnaasaannik periarfissanik pitsaasunik peqassammat.

Aamma tikkuarusuppara, pitsaaqutaassasoq illoqarfimmi ilinniartuunissaq pitsaaquteqassammat, ilimanarluinnartumik ilinniareerermi suliffissamik ajornannginnerusumik pissarsiffiusinnaasoq.

Maluginiarpara, Naalakkersuisut kinguneqartussamik allannguutissatut siunnersuuteqarsimasut, tamannalu iluarisimaarlugu.

Oqallinnissarli Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamut tunniuppara, siunnersuutit arlaat ingerlateqqinneqaruni pitsaanerunersoq.

Taamatut oqaaseqaatitalerlugu siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliareqqitassanngorlugu innersuussutigaarput.